

AG/jf

INFORME DE INTERVENCIÓN

En cumprimento da legalidade vixente, en relación co **Expediente de modificación do orzamento: 06/2023**, que contén un expediente de créditos extraordinarios "EXT.06/23", emítase o seguinte informe:

LEXISLACIÓN APLICABLE

- Artigos 177, 179 e 180 do TRLRFL, aprobado por RDL 2/2004, de 5 de marzo.
- Artigos 34 a 38 e 40 a 42 do R.D. 500/1990, de 20 de abril (RD).
- Artigos 2, 3, 11, 12, 27 e demais concordantes da Lei Orgánica 2/2012, de 27 de abril, de Estabilidade Orzamentaria e Sustentabilidade Financeira.
- Acordo do Consello de Ministros de 6 de outubro de 2020 sobre a suspensión das "Regras Fiscais" para os exercicios 2020 e 2021. Esta suspensión ampliouse para 2023, por acordo de Pleno do Congreso dos deputados, en sesión de 22 de setembro de 2022
- Bases de execución do orzamento.

FUNDAMENTOS XURÍDICO-ECONÓMICOS

Este expediente tramitase de forma excepcional dada a urxencia do investimento e co fin de facilitar ao Concello de Arbo o cumprimento da finalidade proposta, debido a falta de recursos económicos suficientes para afrontar o cofinanciamento da actuación: "Reparación da rede de pluviais danada a causa do incendio forestal acaecido o día 30 de xullo de 2022 no entorno do parque empresarial de Arbo". A Deputación propón o outorgamento dunha subvención nominativa con consignación orzamentaria e para dar cumprimento o principio de igualdade e non discriminación o importe da subvención concedida se lle detraerá ao concello de Arbo da cantidade que lle poida corresponder no futuro Plan de Obras e Servizos Municipais para o exercicio 2024.

O expediente cumpre cos requisitos previstos na normativa, tanto en relación cos gastos que se pretenden financiar como en relación cos recursos que os financian.

Respecto do cumprimento da Lei de Estabilidade Orzamentaria e Sustentabilidade Financeira, periodicamente infórmase sobre o cumprimento, polo tanto, non procede incorporar ao expediente un informe específico. Non obstante, unha vez ampliada a suspensión das regras fiscais para 2023 por acordo do Pleno do Congreso dos deputados, en sesión de 22 de setembro de 2022, os obxectivos de estabilidade, débeda pública e regra de gastos quedan suspendidos para o vixente exercicio. Dita suspensión non supón o levantamento do réxime orzamentario do texto refundido da Lei reguladora das Facendas Locais na súa totalidade, concretamente mantense o principio de equilibrio orzamentario do artigo 165.4, así como as obrigas de transparencia previstas na LOEPSF, e demais normas de desenrolo.

A tramitación destes expedientes respecta o equilibrio orzamentario.



AG/jf

A tramitación destes expedientes esixe os trámites seguintes:

- Ditame da Comisión Informativa.
- Acordo Plenario.
- Exposición ó público polo prazo de 15 días hábiles.
- Acordo Plenario de resolución de reclamacións, se fose o caso e, aprobación definitiva.
- Publicación do resumo por capítulos no B.O.P.

É canto considero que teño que informar, non obstante, o Pleno da Corporación resolverá o que estime máis convinte.

Asinado dixitalmente ao marxe.

